



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus II. Ex quibus argumentis & indiciis desumi possint
præscriptiones?

[urn:nbn:de:hbz:466:1-73001](#)

sumptionem, *vehementem*, & *violenta*; nam *vehemens*, id est, *probabilis*, non plenè probat, *c. literis*, *de præsum.* violenta verò probat, licet recipiat probationem in contrarium, *c. nec aliqua 27. q. 1.* Verum, et si discrimin hoc recte assignetur, si *præsumptio probabilis* conferatur cum *violentia*; aliqui tamen censent *vehementem à violenta* differre tanquam minus forte à fortiori; adeoque *vehementem* plus importare, quam *merere* probabilem. Neque capitulum *literis 12. b. t.* loquitur de *præsumptione*, quæ non plenè probet. Nam postquam Pontifex per scriptum sibi causum intellectus, quod Pyrrhus ab Antonia muliere, quam in uxorem accepérat, peteret separari, & accusatores matrimonii produxissent testes firmiter afferentes, quod, postquam mulier cum predicto viro contraxerat matrimonium, consanguineum viri ejusdem solum cum sola, nudum cum nuda, in eodem lecto jacentem, eâ [ut credebant] intentione, ut eam cognosceret carnaliter, viderint multis locis secretis, & latebris ad hoc commodis, & horis electis; respondit, quod ex hujusmodi *violentia*, & *certa suspicione fornicationis*, possit sententia divortii promulgari: ita quidem, ut vir licentiam habeat, mortua illa ducenti aliam, muliere sine spe conjugii remanente. Non igitur agit de *præsumptione* *vehementi*, seu solum *probabili*; sed *violentia*; quæ communiter dicitur plenè probare, sive agatur civiliter, sive criminaliter; quod tamen limitat Layman in *dicitur c. literis, num. 1.* quando actus suapte natura est occultus; nam etiam suppositis omnibus illis circumstantiis potest contingere abesse veritatem; exemplum autem *præsumptionis* *vehementis* habetur *c. nec aliqua 4. causa 27. q. 1.* quod est desumptum ex Cypriano ad Pomponium de Virginibus.

1937. Not. 8. et si verum sit, quod *præsumptio juris & de jure* regulariter

non admittat probationem in contrarium; id tamen quandoque fallere, quia contra illam admittitur probatio, quam præstat judicialis confessio eius, pro quo stat *præsumptio juris de jure*, si confessio sit de facto aliquo, quod sit in ejus potestate. Nam quod res à Tuto in inventario descriptæ verè fuerint in bonis defuncti, fundetur in *præsumptione juris*, & de jure in *L. fin. C. arbitr. tutel.* & tamen si pupillus, major factus, in judicio fateatur, res illas per errorem inibi descriptas esse, probatio ex hac confessione recipitur; sic Menoch. *l. 1. præsumpt. q. 6. n. 5.* & Felinus in *c. Quanta. 8. b. t.*

Fallit 2. etiam in *præsumptione*, quâjure veteri in sponsis de futuro, inter quos secuta est copula, præsumitur affectus conjugalis, non fornicarius, atque adeò matrimonium, si fateantur ambo, se non eo animo carnaliter congressos, ut tradit Menochius *l. 1. q. 6.* quod intellige, quando *præsumptio* est pro matrimonio contracto in tali casu, & ambo contractum negant non directè, sed solum indirectè, nimirum negando copulam animo maritali habitam. Unde complures tenent, bene admitti probationem indirectè contrarium *præsumptioni juris & de jure*. Nam et si instrumentum publicum sit magnæ authoritatis, & sic probatio clara, & probata; indirectè tamen reprobari potest, ut dictum est supra; etiam per testes. Idem est, si opponi possit in contrarium probatio per notorium. &c.

ARTICULUS II.

Ex quibus argumentis & indiciis desumi possint prescriptiones?

CUM agamus de *præsumptionibus*, 1938 quæ gravant eum, contra quem stant, & vel penitus à probatione contrarii rejiciunt; vel certè cogunt, si vim earum excutere velit, legitimis probationibus ostendere contrarium, ex

ex iis utique indicis procedere debent, quae suadere possunt prudentem assensum, sic rem esse, vel non esse, quæ presumi dicitur; hinc necesse est, quod ejusmodi indicia quandam connexionem habeant communiter illativam talis effectus, qui presumitur, fundatam vel in ipsa eorum natura, vel in experientia, quod stantibus illis plerumque sic fieri, ac evenire contingat. Talia porrò indicia seu objecta (ubi testes, vel instrumenta deficiunt) in iudicio afferti solent, ut Judex inde presumptionem capiat, quā nixus pro altera parte litigantium sententiam ferre possit.

1939. Sic ex c. Sicut i. b. t. habetur, ex danno, vel malo, præsertim fraudulenter, seu occulte alteri facto peractio nem illicitam, vel periculosam, præsumi malum animum; nam sicut noxius est, ait textus, qui emittit lanceas, & Sagittas in mortem; ita Vir, qui fraudulenter nocet amico suo, & cum fuerit deprehensus, dicit, ludens feci; ut habetur in parabolis Salomonis, & refertur dict. c. 1. Ex hoc textu deducunt, quod omne malè factum, semper præsumatur pravè factum, ut tradit Mascardus de probat. conclus. 223. n. 5. & alii, volentes dicentem alteri verbainjuria sa, præsumi dixisse animo injuriandi, eo, quod, quæ suā naturā mala sunt, & de genere prohibitorum, licet aliquo casu possint honestari, in dubio præsumantur pravè facta; sic etiam Farnaci us in praxi criminal. p. 3. q. 85. num. 34. & q. 89. n. 77. Hæc præsumptio est juris tantum, prout colligitur ex L. i. de Sicariis, ubi dicitur, ei, qui hominem occidit, probandi onus incumbere. se non occidendi animo fecisse; & L. Si non convitii 5. C. de injuriis, junct. gloss. V. Pro bare; ubi habetur id, quod diximus de verbis injuriosis. Et ideo, ut habetur §. Placuit. Institut. de obligat. ex delicto, qui rem alienam accepisse deprehensus dicit: credidi, Dominum non esse invitum, præsumi furtivè abstulisse, nisi oppositum iudicio quodam verisimili doceat.

Secundo, indubio, an quis ex hoc, 1940. vel illo patre, aut matre natus sit? nativitas præsumitur ex affectu dilectionis; ostenditur ex c. afferte. 2. b. t. ubi refertur sententia, lata à Salomone. l. 3. Reg. cap. 3. inter duas mulieres contendentes de filiolo, quod ejus esse censeatur, qua illum, penes alteram, vivere maluit; quam, ut occisus neutrius sit. Naturale enim est, ut parens prolem suam diligat, nec affectus extraneus reperiatur, qui paternum vincat, L. fin. C. de curat. furiosi, ubi statuitur, quod furioso in Sacris (hoc est, ut notat glossa, in patria potestate] parentis sui constituto Curator dari non debeat [quod Imperator dicit, indubitatum es se] eo quod illi sufficiat paterna ver cundia, seu solicitudo; causam reddit: quis enim talis affectus extraneus inveniatur, ut vincat paternum? vel cui alii credendum est, res liberorum gubernandas, parentibus derelictis? Hanc præsumptionem communiter Authores dicunt vehementem, & violentam, ac sufficere, ut ex ea Judex procedat ad sententiam definitivam, ut notat ad hunc textum Barbosa n. 9. quod tamen videtur accipiendum cum limitatione, ut procedat non in qualibet materiali subjecta; sed quando in dubio agitur de filiatione vel quoad possessionem, vel quoad proprietatem; nam de hoc erat quæstio in c. afferte. 2. b. t. Et tametsi verum sit, valde potentem esse naturalem paternum affectum in liberos, sic ut teste Menochio l. 6. præsumpt. 56. n. 2. ille non præsumatur pater, vel mater, qui filium non diligit: hoc non videtur porrigi communiter quoad bona corporalia: nam quando agitur de bonis animi, valde frequens est, vix ullam multis parentibus curam esse liborum, ut liquet ex educatione ad meras vanitates, res tantum seculi, &c. &c. neglecta cultura animi in ordine ad mores Christiani hominis; & literaturam; sine quibus ex ejusmodi personis [quæ gubernationibus plerumque admoveri ambiant, & obtinent] gravissima mala in rem publicam redundant.

Rrr 3

Ter-

1941. Tertio', quando Vir contra Uxorem agit ad divortium ex causa adulterii, cùm sit causa difficultis probacionis, Judex potest procedere ad definitivam, si Actor ad probandum adulterium producat præsumptionem, de qua agitur in c. Literis 12. b. t. Nam, cùm Archidiaconus Genuensis ad Alexandrum III. præscripsisset, quod cùm P. & A. muliere, quam in uxorem acceperat, peteret separari, accusatores matrimonii produxerint testes firmiter afferentes, quod, postquam mulier cum prædicto viro contraxerat matrimonium, consanguineum viri ejusdem solum cum sola, nudum cum nuda, in eodem lecto jacentem, ea [ut credebant] intentione, ut eam cognosceret carnaliter, viderint multis locis secretis, & latebris ad hoc commodis, & horis electis: & quæsivisset, an istæ circumstantiae, & concepta exinde præsumptio sufficerent ad pronuntianendum pro Actore? Pontifex respondit: quod ex hujusmodi violentia, & certa suspicione fornicationis, possit sententia divortii promulgari: ita quidem, ut vir licentiam habeat, mortua illa ducendi aliam, muliere sine spe conjugii remanente.

1942. Ex hoc textu communiter deducunt Doctores, si actus (v.g. carnalis copula) suâpte naturâ occultus sit, & sensibus non patens, ut fornicatio, tunc præsumptiones violentas ac moraliter certas, quæ ex proximis oriuntur indiciis, facere probationem plenam, si agatur civiliter ut hic; quin etiam, si agatur criminaliter ad pœnam adulterii vel incestûs; sic Mascardus de probat. conclus. 59. à num. 6. Sanchez de Matrim. l. 10. D. 12. à num. 45. sed ad sententiam criminalem videtur probabilius non sufficere talem præsumptionem, ut recte probat Barbos, in dict. c. 12. n. ult.

1943. Deducitur præterea, quod ad probandum adulterium, & copulam carnalem admittantur testes de credulita-

te, sic Farinac. in praxi criminal. q. 136. n. 32. ubi numer. 34. id intelligit, si suam credulitatem fundent in aliquo actu venereo, & propinquo. Deducitur 2. quod adulterium, & copula carnalis non possit directe, hoc est, concludenter, & per necesse probari per testes de visu, sed tantum præsumptivè; & præterea ad probandum hoc delictum sufficere præsumptiones, & conjecturas non qualescunque, sed violentas, ut dictum est; & hoc solum in casu, si civiliter agatur contra adulterum ad thoriseparationem, vel impedientium matrimonium, ne contrahatur, vel ad dotis amissionem: secus autem si criminaliter, & ad pœnam; sic Mascard. de probat. conclus. 47. num. 5. vers. quæ tamen sententia. Ubi, quod, si testes deponant vidisse virum, & mulierem in eadem camera solos, & dispektoratos, caligis dissolutis, & januâ clausâ, non probant copulam, quando criminaliter agitur; sed solum conatum ad copulam carnalem, & idem resolvit conclus. 59. num. 10. & num. 20. & conclus. 810. num. 5. 7. & seqq. & conclus. 1210. num. 8. Farin. q. 136. num. 18. & 19. & conf. 78. num. 22. & 25. ubi quod nec urgentissimis, nec proximis indiciis, veluti si solus cum sola, nudus cum nuda reperti fuerint, probatur copula carnalis ad effectum criminaliter condemnandi.

Deducitur 3. confessionem propriam eorum, qui fatentur carnalem copulam inter se habitam, seclusis aliis adminiculis, non sufficere ad dissolvendum matrimonium per verba de præsenti contractum cum consanguineo, vel consanguinea alterius ex personis fornicariis; nam etsi, postquam Juvenis contraxit per verba de præsenti cum una, hujus neptis deposuerit, se fuisse prius cognitam carnaliter ab illo juvene, Pontifex juss erit separari illud matrimonium; hoc tamen non est factum ad solam illius neptis confessionem, ut habetur aperte in c. Tertio loco 13. b. t. sed etiam ex eo, quia

qua in hoc textu ultra confessionem viri, & mulieris, concurrebat etiam convagatio per nemora, & loca solitaria, & etiam testimonium, & fama viciniae; quasi secus sentiens hic Summus Pontifex non concurrentibus prædictis; sic Farinac. cit. q. 136. numer. 41.

1945. Præter dicta not. 1. et si regulariter damnum alteri causatum ex actione malapräsumatur dolo factum; hanetamen præsumptionem esse juris tantum, & admitti probationem in contrarium, ut dixi numer. 1939. Talis etiam præsumptio est, qua ex vita, & studiis pueri, præsumitur bonum, vel malum in ætate virili, ut habetur c. Ex studiis 3. b. t. ubi dicitur, quod ex pueri studiis intelligatur, quid de ejus operibus, rectane, an munda sint, existimari debeat, sive ex iis, quæ tractat puer, & ad quæ affectum se ostendit, conjectura sumi possit, num ejus opus rectum futurum sit: sumptum est ex Proverbiis Salomonis, cap. 20. vers. 11. cuminterpret. S. Hieronymi.

1946. Et ideo etiam, qui in juventute vixit continens, non præsumitur incontinens in ætate majori, & jam gravi; præsertim, si sit Vir literatus, & in dignitate constitutus, ut habetur c. Cum in juventute 15. b. t. nam, cum Rex Ungarie Quinque Ecclesiensem Episcopum denuntiasset Innocentio III. quod incestum cum propria nepte commississet; & hoc scandalum ex regno tolli postulasset; Pontifex rescriptit Genedensi Episcopo, & Abbatii Deciquor: cum in juventute sua Quinqueecclesiensis Episcopus adeo se maturum, honestum, & providum exhibuerit, ut ab Ecclesia Romana meruerit pallio decorari: non est de levi credendum, quod postquam ad senilem pervenit etatem, turpiter abjecerit jugum Domini, factores libidinis amplexando: cum labes hujusmodi, quæ nonnunquam in juventute contrahitur, in senectute frequentius experietur. Quis præterea de facili cre-

deret, quod vir prædictus scientia literarum, propriæ salutis oblitus, ad eam passionis ignominiam se converteret, ut cum propria nepte, abominabilem perpetraret incestum? cum etiam secundum sententias Ethniconrum, naturale fœdus inter tales personas, nihil permittat saevi criminis suspicari; quibus positis:

Concludit Pontifex: *Licet igitur Rex Ungarie eundem Episcopum nobis per nuntios, & literas, de tali crimine detulisset, postulans, ut malum hujusmodi & perniciosum exemplum de Hungarica Ecclesia tolleremus: quia tamen ejus suggestio, non de charitatis radice procedere videbatur, noluimus aures nostras, quasi malignis delationibus inclinare.* Sed ut probaremus, si Spiritus esset ex Deo; Auriensi Episcopo dedimus in mandatis, ut prudenter & caute à Coëpiscopis indagaret, utrum præsumatum Episcopum crederent tali labore respersum? Qui nobis postmodum rescripsérunt, quod eum virum honestæ conversationis credebant esse, personam illius multipliciter commendantes.

Ex hoc textu colligitur, ex vita, in 1947. juventute bene acta, fundari præsumptionem bonæ vitæ etiam in ætate graviori sic, ut contra talem, alleganti male factum aliquod, non creditur, nisi hoc probet, præsertim, si is, pro quo stat præsumptio, sit homo literatus [viri enim literati præsumuntur à vitiis abstinere, ut tradit Barbosa p. 2. de offic. & potest. Episcopi, allegat. 46. num. 3.] & in dignitate, præsertim Ecclesiastica constitutus; ex hac enim habet pro se præsumptionem virtutis, quod per eam emerserit, ut notat Tiraquel. de pœnis temp. c. 51. numer. 94. Videtur tamen hæc præsumptio non esse juris & de jure; sed juris tantum; cum admittat probationem in contrarium; & non raro contingat adēptione honorum mutari mores, non in melius. Illud autem certum videtur, Superiores non debere faciles esse in credendo denuntiatio-

tiationibus delictorum contra suos, etiam factis per eos, qui potentes sunt, præsertim, cum plus confidunt sibi fidem habendam propter suam potentiam, vel dignitatem seculi, latente interim denuntiantis odio, ac proscripto Zelo communis boni; docuit hoc Summus Pontifex in præsenti casu, qui nec Regis denuntiationi fidem habuit, etiam denuntiatio gravi scelere; ac denuntiatum expertem criminis, cuius arguebatur, per viros alios Ecclesiasticos deprehendit.

1948. Not. 2. quando quis ex duobus propositis unum negat, præsumi, quod alterum affirmet, ut traditur in c. Nonne 5. b. t. ubi Gregorius Pontifex, ad illum textum [nonne bene dicimus, quia Samaritanus es tu, & dæmonium habes; respondit Jesus: Ego dæmonium non habeo] subjungit: duo quippe illata fuerunt ei: unum negavit, alterum tacendo concessit. Ex hoc communiter inferunt Doctores, quod reprobatio unius, ex duobus propositis, videatur includere approbationem alterius; sed hoc habet plures limitationes, ut notavimus lib. 4. Taciturnitas enim non præjudicat, ubi quis contradicendo expressis verbis non potuisse actum impedire; similiter præsentia, & taciturnitas ejus, qui contradicere non potest, vel non audet, metu justo, reverentiâ, &c. non nocet; sic Tiraquel. de Retract.

1949. Not. 3. quod ex præteritis capi posse præsumptio de futuris, c. Mandata 6. b. t. ubi Pontifex ad Maximum Episcopum, quem super omnes Ecclesiæ Siciliae Vicarium Sedis Apostolicæ constituit, hac dignitate, non loco, sed personæ, delata, rationem reddit, quia ex transacta ante vita dicimus, quid de subsequenti conversatione tua presumamus; idem habetur in c. Scribam 9. eod. ubi dicitur, ex legibus prius datis, & neglectis apparere, quod & has negligent, si novæ darentur.

Not. 4. ex vicinia præsumi notitiam inibi factorum, ex c. quosdam 7. eod. Hinc communiter deducunt; quod vicinus præsumatur scire facta sui conciuni, Tusclus V. Scientia, conclus. 62. n. 2. Tiraquel. de pœnis temper. causa 23. n. 2 sed hæc præsumptio in multis fallit. Consentur autem vicini, qui habent prædia vicina, item qui habent ædes in conspectu, sive sint proximæ, sive non, item qui habitant in eadem contrata, secundum vulgi opinionem; sic Menochius de arbitrar. casu 222. à numer. 13. Huc etiam reducitur ea præsumptio, quod factum sit notum in vicino, finotum sit in remoto, ut habetur c. quanto 8. eod.

Not. 5. ad vincendum eum, qui habet pro se præsumptionem juris, requiri efficaciores probations, quam exigerentur, sivea præsumptione destitutus foret; cuius ratio est; quia præsumptio reddit oppositum faltem minus verosimile; at, ubi, quod probandum est, vel non est verosimile, vel faltem minus opposito, requiritur fortior probatio ex c. Quia 10. b. t. Ergo. Not. 6. matrimonium esse contractum præsumi ex diutina cohabitatione, habita copula, producto connubiali contractu, & similibus adminiculis, per c. illud 11. eod.

Sed hodie, ne eludatur decisio Concilii Trident. sess. 24. de reformat. matrimon. c. 1. nec cohabitatio, nec alius consensus verbis, signis, aut factis expressus, nec etiam copula quidquam faciunt ad præsumendum, aut probandum legitimum matrimonium, nisi coram parocho, & testibus fiat; & ita per hæc cessant de jure antiquo scripta in cit. c. illud, prout notant Henriquez in Summ. p. 2. l. 11. c. 3. num. 7. ingloss. lit. C. quod tamen accipe, si præsumptio versetur circa consensum. Nam hodie non facit matrimonium, quod Ecclesia toleret, consensus mere præsumptus; seculis est, si solùm præsumatur purgatus metus, vel conditio remissa; de quo V. dicta l. 4. à numer. 473.

Not.

191. Not. 7. neminem debere condemnari de gravi criminis propter præsumptionem etiam *vehementem*, ex c. literas 14. b. t. ubi, quantumvis esset *vehemens* præsumptio, quod Gustavus, de quo in textu, laboraret vitio hæretis, Pontifex statuit: mandamus, quatenus, cum propter *solanum suspicionem* (quamvis *vehementem*) nolumus illum de tam gravi criminis condemnari, taliter & tantam securitatem recipiatis ab ipso, præter juratoriam cautionem, quod timore poenæ corporalis debeat coerceri, discretam ei penitentiam injungentes, ex qua valeat apparere, utrum in tenebris ambulet, an in luce: utrumque sit verè penitens, an fictè conversus: & si eum hoc modo verum Catholicum cognoveritis, non finatis ipsum indebet molestari: alioquin eum tanquam hæreticum condemnatis.

192. Ex hoc videtur rectè colligi, præsumptionem *violentam*, & *vehementem*, quoad effectum probandi, de jure saltem canonico, non æquiparari; nam *vehemens* non sufficit ad condemnandum de gravi criminis; ut constat ex cit. c. literas 14. *violentia* vero sufficit ad condemnandum de adulterio, ex c. literis. 12. b. t. de quo num. 1941. Etideo, ex præsumptionibus, & argumentis neminem debere criminaliter condemnari, tradunt Antonius Gomez *Variar.* tom. 3. c. 12. num. 25. Mascalodus *de probat. conclus.* 459. num. 3. per L. *absentem*. ff. de poenis, & L. qui sententiam, ff. eod. L. *Singuli*, C. de *accusat.* Rationem hujus reddunt; quia in criminalibus ad condemnationem probationes debent esse nedum concludentes, sed luce meridiana clariores, cit. L. *absentem*, cum aliis, L. *Sciant*, C. de *probat.* canonizata in c. *Sciant cuncti*. 2. q. fin. nisi præsumptiones sint juris & de jure, in quibus, quia lex præsumit, & supra præsumptionem statuit firmum jus, illam videtur approbare, c. is, qui fidem, de sponsal. c. de illis, de sponsal. impub. Unde Gomez cit. c. 12. num. 25. & alii, volunt, quod in criminalibus Judex præsumptionem juris de jure sequi te-

neatur propterea, quod, sicut ex tali præsumptione crimen legitimè patet; sic etiam debeat patere *Judici*; Judex autem procedere debeat patente ipsi delicto. Verum, an tales præsumptiones delictum probent luce meridianâ clarissim, ac indubitate? prout exigitur L. ult. C. de *probat.* ut exinde feratur sententia capitalis, mihi valde dubium est; cum illa certitudo non detur sine fictione, ut notavimus n. 1935.

193. Not. 8. Clericum, qui impetravit rescriptum, ut recipiatur in numerum beneficiorum cum clausula, *si idoneus fuerit*, ex hoc ipso habere pro se præsumptionem juris de sua idoneitate sic, ut, si quis non idoneum assereret, non Clerico, de quo id asseritur, suæ idoneitatis probandæ onus incumbat; sed afferenti, in idoneitatem; uthabetur in c. fin. b. t. sed hoc non videtur procedere adeo indefinitè; quid enim operarentur ea verba: *si idoneus fuerit*, in rescripto ad Collatorem directo? Unde Vivianus in *praxi juris patron.* p. 12. l. 6. c. 10. num. 12. distinguit inter idoneitatem *intrinsecam*, quæ habetur à puritate animæ, morum integritate, & bonitate vitae; ac *extrinsecam*, quæ à scientia, & literatura; & primam præsumi, nec probandam à tali Clerico; secus alteram, quæ accidentalis est; sic etiam Barbosa *de potest. Episcopi*, p. 2. alleg. 10. n. 17. Hinc illa clausula, *si idoneus fuerit*, non habet rationem conditionis relate ad qualitates illas naturales, & intrinsecas; nam quoad has tacitè inest provisionalibus rescriptis; sed quoad extrinsecas, in quantum sciri debent, ne Collator promoveat inidoneum.

§. Unicus.

An, qui fugit judicium, præsumatur confiteri objecta?

194. DE hac quæstione extat c. 4. b. t. ubi Bonifacius VIII. sic loquitur: nullus dubitat, quod dicta judicium nocens subterfugit, quemadmodum, ut absolvatur, qui est innocens, querit: confitetur enim de omnibus, quisquis se subterfugere judicium

dilationibus putat. Nam, quemadmodum innocens non subterfugit judicium, in quo se absolvendum sperat, ita, qui dilationibus judicium declinare cupit, ea, de quibus accusatur, confiteri videtur; qui enim aliquoties, indulto sibi temporis spatio, intra quod comparere, & se purgare debeat, non comparet, aut se absentat, censetur crimen confiteri; ita etiam legitur in c. *Decernimus 10. causa 3. q. 9.* textus hujus c. sic habet: decernimus vestram debere intra provinciam esse judicium, & congregari Synodus ante diem Calendarum Novembrium; ut, si ad se revoluerit, præsens, si confidit, ad objecta respondeat: *si verò adesse neglexerit, dilationem sententiae de absentia non lucretur.* Nam manifestum est, confiteri eum de crimine, qui indulto, & roties delegato judicie, purgandi se occasione non utitur. Nihil enim interest, utrum in præsenti examine, non omnia quæ dicta sunt, comprobentur; cum ipsa quoque pro confessione procurata totius constet absentia; ubi glossa, V. *Manifestum*, ait, hoc intelligi secundum præsumptionem.

1955. Sed advertendum, hanc præsumptionem esse juris tantum, nec, nisi aliis juvetur adminiculis, & argumentis, probare concludenter. Hujus ratio mihi ex eo probatur; quia nunquam licet ex aliquo facto, vel effectu *concludenter* arguere ad hanc determinatè causam, quando tale factum, vel effetus nasci potest ex pluribus, æquè valentibus illum inducere, ac illa, ad quam determinatè arguitur; sed, quòd quis fugiat judicium, vel clam discedat ex carcere, nasci potest, ex pluribus aliis causis, quam ex mala conscientia; puta ex potentia adversarii, cum certitudine fere morali majoris partis Judicium colligatorum, affectu, spe, &c. metu oppressionis, longæ fatigationis in causæ protelatione, arresti, & aliorum malorum, quæ quandoque processus secum ferunt, præsertim, ubi justitiam promovent munera; idem est, de metu diuturni carceris, longi squaloris, torturæ, etiam ex falsis testibus, pro-

bationibus, instrumentis, &c. non igitur *concludenter* licet arguere determinatè, fugam fieri ex mala conscientia, consequenter ex hoc delictum, vel causam esse confessam.

Dico, esse confessam; quia per hoc 1956, non nego, posse fieri conjecturam, seu concipi verosimile judicium, quòd hoc titulo [nimirum conscientiæ mali] declinet, aut fugiat; sed elidibile per contrariam probationem, quæ hoc major esse debet, quòd plura tali declinationi, vel fugæ accedunt adminicula, vel argumenta, & indicia, fieri ex tali causa; qua in re opus est magnâ Judicis discretione, ac prudentiâ, ut regula in dict. c. *Nullus* tradita, in casu particulari ritè applicetur; non autem, ut multi Judices, ipsi parum eruditæ faciunt, ex brocardico indefinitè sumpto statim sine discretione procedant ad pronuntiandum; cum hæc juris axiomata plurimis quandoque fallentiis subjiciantur; id, quod sapienter notavit Gregorius XIV. in sua constitut. *Cum alias non nulli, à nobis relata ex professo lib. 3. tit. 49. de Immunit. Eccles.*

Hinc aliqui distinguunt, an quis fugiat ante factam inquisitionem, vel factam accusationem, an post? in primo casu censem, præsumi quidem fugam fieri propter conscientiam criminis, cum Rei & sceleris conscientiæ plenumque fugâ salutem querere soleant, ut tradit *Mascardus de probat. conclus. 819. à num. 1. Farinac. in praxi crimin. l. 1. q. 48. num. 1. & 27.* [nisi tamen apparetalia probabilis causa fugæ; tunc enim discessio in dubio potius in bonam partem saltem negativè, hoc est, non in malam, accipienda est] non tamen facit probationem etiam semiplenam, consequenter sufficientem, ut exinde *Judex* (seclusis aliis probatio-nibus) ad pronuntiandum procedat: in secundo autem casu docent, discessionem vel fugam non sufficere ad præsumendam determinatè conscientiam criminis, sed

sed potius factam ex metu diuturni processus, & eorum, quæ illum consequuntur, quæ difficile est subire innocentem, & justam fugæ causam præbent, præsertim, ubi Judices in expeditionibus ejusmodi causarum lenti sunt, Reo interim per menses, & annos, duris quandoque carceribus detento, cum innumeris molestiis, expensis, & lictorum, aliorumque vexationibus, atque duritie, raro regressu ad famam ejusmodi processibus vehementer labefactari solitam, tametsi innocens declaretur; ita Menochius *l. i. præsumpt. q. 8. num. 39.* Farinac. cit. numer. 27.

1958. Advertendum autem nos loqui de fuga, vel discessione, secundum quod haberi solet pro indicio conscientiae delicti; aliud enim est, quando ipsa fuga est delictum, ut, si miles, legitimè condicetus, fugiat à militia, vel ex conflicto, aut commissa in excubiis statione; nam in tali casu non probatur delictum ex fuga; sed potius probatâ fugâ, vel eâ notoriâ, probatum, aut notorium est ipsum delictum; de quo V. Julius Clarus in practic. §. fin. q. 21. n. 19. Hinc censem aliqui, Reum, in publico carcere justè detentum ob aliquid crimen, eo effracto fugientem, haberi pro confessio, & convicto, sic, ut deprehensus pœnâ ordinariâ puniri possit; sic gloss. in *L. In eos 13. V. puniendi, ff. decustod. Reor. arg. L. i. ff. de Effractoribus.*

1959. Verum, ut ad hoc dicamus, præmitendum cum communiori Doctorum sententia, Reum non solum antè, sed etiam post Judicis sententiam, fugere posse, etiam cum effractione carceris; & hoc non solum in causa capitali, aut alia gravem corporalem pœnam exigente, sed etiam in causa pecuniaria; ita Saloni, Sà, Navarrus, & Sanchez, quos citat, & sequitur Haunoldus *tom. 5. de jure, & just. tr. 2. num. 331.* nam lex contraria excederet humanam conditionem; nec obstat; quod inde damnum sequatur custodi Reorum; & carcerum effractio graviter inhibita sit;

Tom. II.

nam damnum illud solum per accidens sequitur, sicut occisio innocentis, quæ fit, cum Princeps Urbem sibi rebellem armis, ac tormentis [ubi etiam plures quandoque innocentes cadunt] directe querit cogere ad obedientiam; effractio autem in casu fugæ licet, cum sit tantum remotio impedimentorum, obstantium consecutioni finis Reo licet, tali casu illicita non est.

Verum est, extare leges graviter pœnales, quibus dicitur, qui effracto carcere evaserunt, sumendum supplicium, imò capite puniendos, si perfractis toribus, &c. ut habetur *L. i. ff. de Effractoribus & Expilatorib.* sed haec leges propter gravitatem pœnæ vel sunt nimis graves, vel non in usu, ut censem Lugo, apud Haunold. *cit. num. 332.* vel sunt mere pœnales, quæ non cadunt directe in actum sub lege pœnam illi statuente positum inducendo obligationem conscientiae ad illum caverendum; sed solum ad subeundam pœnam in casu deprehensi violatoris, eamque in vindictam publicam, aliis in exemplum, causâ boni communis, ne impunita maneant delicta, & eorum inquisitio, ubi justè suscipitur; de quo V. dicta *L. i. tit. 2. de constitut.* ubi egimus delege pœnali; his positis:

1960. Resp. ad doctrinam a nonnullis traditam, tales carcerum effractores, & fugitivos, ubi deprehensi fuerint, non posse pœnâ ordinariâ puniri ex præsumpta confessione, tanquam Reos criminis, propter quod incarcerauti fuerant; nec exinde crimen plenè probari; cum alia valde probabilis causa fugiendi allegari possit, videlicet ad liberandum se a molestiis carceris, & periculis imminentibus. Hinc seclusis aliis indicis criminis, ad summum facit præsumptionem ejus, sed juris tantum, probatione contrariâ elidibilem; quamvis puniri possint pœnâ effractioni decretâ, propter culpam duntaxat ci-
vilem, sed solum, in quantum talis effractio delictum
est.